

三才圖會

三才圖會

雲間允明父王思義續集

草木三卷

草類

石韋

草薺

白薇

菝葜

大青

艾葉

惡實

水萍

王瓜

地榆

小薊

海藻

澤蘭

防己

高良薑

天麻

阿魏

百部

懷香子

款冬花

紅藍

三稜

薑黃

草撥

薊醬

鬱金

盧會

肉苳寇

補骨脂

零陵香

縮沙蜜

蓬莪

積雪草

白前

薺萋

白藥

薊草

莎草

華澄茄

胡黃連

蒔蘿

甘松香

鳧葵

鱧腸

茅香

使君子

韋

石



石韋

石韋生華陰山谷石上今晉絳潞海福州江寧府皆有之
叢生石上葉如柳背有毛而班點如皮故以名之以不聞
水聲者良二月七月採葉陰乾用一名石韋一名石皮味
苦甘無毒治勞及五癆胞囊結熱不通膀胱熱滿瀕微炙
用

草解



三才圖會卷之草木三

三

草薺

草薺生真定山谷今河陝京東荆蜀諸郡皆有之根黃白
色多節一指許大苗葉俱青 蔓生葉作三叉似山芋又
似菘豆葉花有黃紅白數種亦有無花結白子者春秋採
根暴花舊說此藥有一種莖有刺者根白實無刺者根虛
軟以軟者爲勝今成德軍新產者根亦如山芋體硬其苗
引蔓葉似蕎麥子三稜不拘時月採其根用利刀切作片
子暴乾用一名赤節味苦甘無毒治癰緩軟風頭旋癩疾
補水藏堅筋骨益精明目中風失音

白 薇




白薇

白薇生平原川谷今陝西諸郡及滁舒潤遼州亦有之莖
葉俱青頗類柳葉六七月開紅花八月結實根黃白色類
牛膝而短小三月三日採根陰乾用一名白幕一名薇草
一名春草一名骨美味苦大寒無毒治忽忽睡不知人百
邪鬼魅又主暴中風

葵


稷



菝葜

菝葜生山野今近京及江浙州郡多有之苗莖成蔓長二三尺有刺其葉如冬青烏藥葉又似菱葉差大秋生黃花結黑子櫻桃許大其根作塊赤黃色二月八月採根暴乾用江浙間呼爲金剛根浸赤汁以煮粉食云噉之以辟瘴其葉以鹽搗傅風腫惡瘡等俗用有效田舍貧家亦取以釀酒治風毒脚弱痺疴上氣殊佳味甘溫無毒主腰背寒痛風痺益氣止小便利


大青



大青

大青舊不載所出州土今江東州郡及荆南眉蜀濠淄諸州皆有之春生青紫莖似石竹苗葉花紅紫色似馬蓼亦似芫花根黃三月四月採莖葉陰乾用味苦大寒無毒療時氣頭風大熱口瘡

艾



艾

艾葉舊不著所出州土但云生田野今處 匕有之以復道者爲佳云此種灸百病尤勝初春布地生苗莖類蒿而葉背白以苗短者爲佳三月三日五月五日採葉暴乾經陳久方可用俗間亦生搗葉取汁飲止心腹惡氣一名永臺一名翳草味苦微溫無毒主灸百病止下痢吐血下部腫瘡婦人漏血利陰氣生肌肉辟風寒使人有子

實

藥



三才圖會卷之草木三

八


惡實

惡實卽牛蒡子也生魯山平澤今處處有之葉如芋而長實似葡萄核而褐色外殼如栗核小而多刺鼠過之則綴惹不可脫故謂之鼠黏子根有極大者作萊茹尤益人秋後採子入藥用根葉亦可生搗入少鹽花以搗腫毒又冬可采根蒸暴之入藥用辛平主明目補中中風面腫消渴

不

萍

水



水萍

水萍生雷澤池澤今處處溪間水中皆有之此是水中大萍葉圓潤寸許葉下有一點如水沫一名芡菜爾雅謂之萍其大者曰蘋是也季春始生可摻蒸以爲茹又可用苦酒淹以按酒三月採暴乾蘇恭云此有三種大者曰蘋中者荇菜卽下鳧葵是也小者水上浮萍卽溝渠間生者是也大萍今醫方鮮用浮萍俗醫用治時行熱病亦堪發汗甚有功一名水花一名水白一名水鮮味辛酸寒無毒主暴熱身癢水氣勝酒長鬚髮注消渴下氣湯火瘡風軫

王瓜




王瓜

王瓜生魯地平澤田野及人家垣墻間今處處有之月令
四月王瓜生卽此也葉似栝樓圓無叉缺有刺如毛五月
開黃花花下結子如彈丸生青熟赤根似葛細而多糝謂
之土瓜根北間者其實纒纒相連大如棗皮黃肉白苗葉
都相似但根狀不同耳三月採根陰乾均房間人呼爲老
鴟瓜亦曰菟瓜然菟瓜別是一種也味苦寒無毒主蠱毒
治小便數遺不禁

榆

地



地榆

地榆生桐栢及寃句山谷今處處有之宿根三月內生苗
初生布地莖直高三四尺對分出葉葉似榆少狹細長作
鋸齒狀青色七月開花如椹子紫色根外黑裏紅似柳根
二月八月採暴乾葉不用味苦微寒無毒排膿止吐血鼻
洪月經不止血崩產前後諸血疾赤白痢併水瀉濃煎止

腸風

煎

小



本草綱目卷之七十四

三才圖會卷之草才三
小薊

小薊根本經不著所出州土今處處有之俗名青刺薊苗
高尺餘葉多刺心中出花頭如紅藍花而青紫色北人呼
爲千針草當二月苗初生二三寸時并根作茹食之甚美
四月採苗九月採根並陰乾入藥亦生搗根絞汁飲以止
吐血衄血下血皆驗大薊根苗與此相似但肥大耳而功
力有殊破血之外亦療癰腫小薊專主血疾味甘温

藻

海



海藻

海藻生東海池澤今出登萊諸州有二種一種葉如雞蘇莖如筋長四五尺一種莖如釵股葉如蓬蒿謂之聚藻今爲海藻者乃是海中所生根著水底石上黑色如亂髮而麓葉類水藻而大謂之大葉藻本經云主癭瘤是也按本經海藻一名薄而爾雅謂薄爲石衣又謂薄一名水若一名石髮石髮卽陟釐也味苦寒無毒治宿食不消五膈痰壅水氣浮腫脚氣貴狫氣


澤蘭



澤蘭

澤蘭生汝南諸大澤傍今荆徐隨壽蜀梧州河中府皆有之根紫黑色如栗根二月生苗高一三尺莖幹青紫色作四稜葉生相對如薄苜微香七月開花帶紫白色萼通紫色亦似薄苜花三月採苗陰乾壽州出者無花子婦人方中最急用又有一種馬蘭生水澤傍頗似澤蘭而氣臭味辛亦主破血補金瘡斷下血又有一種山蘭生山側似劉寄奴葉無極不對生花心微黃赤亦能破血皆可用又一名虎蘭一名龍棗一名虎蒲味苦甘微溫無毒

防已



防已

防已生漢中川谷今黔中亦有之但漢中出者破之文作車輻解黃實而香莖甚嫩苗葉小類牽牛折其莖一頭吹之氣從中貫如木通若心處者青白虛軟又有腥氣皮皺上有丁足子各木防已二月八月採陰乾用木防已雖今不入藥而古方亦通用之一名解離味辛苦平溫無毒能治濕風口面窩斜手足疼散留痰主肺氣嗽喘

高 良 薑




高良薑

高良薑舊不載所出州土陶隱居云出高良郡今嶺南諸州及黔蜀皆有之內郡雖有而不堪入藥春生莖葉如薑苗而大高一二尺許花紅紫色如山薑二月三月採根暴乾用味溫王暴冷胃中冷逆霍亂腹痛

麻

天



天麻

天麻生鄆州利州泰山嶗山諸山春生苗初出如芍藥獨
抽一莖直上高三二尺如箭幹狀青赤色故名赤箭脂莖
中空依半以上貼莖微有尖小葉梢頭生成穗開花結子
如豆粒大其子至夏不落根形如黃瓜連生一二十枚大
者重半斤或五六兩其皮黃白色名曰龍皮肉名天麻二
三五八月內採初取得乘潤刮去皮沸湯畧煮過暴乾收
之或取生者蜜煎作果食之甚珍味辛平無毒諸風濕痺
四肢拘攣小兒風瀉驚氣利腰膝強筋力

魏

阿



阿魏

阿魏出西蕃及崑崙今惟廣州有之舊說苗葉根極似白芷搗根汁日煎作餅者爲上截根穿暴乾者爲次今廣州出者云是木膏液滴釀結成二說不同酉陽雜俎云阿魏木生波斯國呼爲阿虞木長八九尺皮色青黃三月生葉似鼠耳無花實斷其枝汁出如飴久乃堅疑名阿魏或云取其汁和米豆屑合釀而成乃與今廣州所上相近耳味辛平無毒治傳屍破癥積冷氣辟溫治瘧兼主霍亂心腹痛腎氣溫瘴禦一切蕈菜毒

部

百



百部

百部江湖淮陝齊魯州郡皆有之春生苗作藤蔓葉大而尖長頗似竹葉面青色而光根下作撮如芋子一撮乃十五六枚黃白色二月三月八月採暴乾用味甘無毒能治肺家熱上氣嗽逆

子香棟

三才圖會卷之草木三



藜香子

藜香子亦名茴香本經不載所出今交廣諸蕃及近郡皆有之入藥多用蕃舶者或云不及近處者有力三月生葉似老胡荽極踈細作叢至五月高三四尺七月生花頭如傘蓋黃色結實如麥而小青色北人呼爲土茴香茴藜聲近故云耳八九月採實陰乾今近道人家園圃種之甚多味辛平無毒治卒腎氣衝脇如刀刺痛喘息不得亦甚理小腸氣

款冬花



款冬花

款冬花出常山山谷及上黨水傍今關中亦有之根紫色
莖青紫葉似草薜十二月開黃花青紫萼去土一二寸初
出如菊花萼通直而肥實無子又有紅花者葉如荷而斗
直大者容一升小者容數合俗呼爲蜂斗葉又名水斗葉
十一月採花陰乾或云花生於冰下正月旦採之一名橐
吾一名顛凍一名虎鬚一名菟奚一名氏冬味辛甘溫無
毒潤心肺益五藏除煩補勞消痰止嗽吐血心虛驚悸洗
肝明目及中風等疾

藍

紅



紅藍

紅藍花卽紅花也生梁漢及西域今處處有之人家場圃所種冬而布子至春生苗夏乃有花下作棘彙多刺花葉出棘上圃人承露採之採已復出至盡而罷棘中結實白顆如小豆大其花暴乾以染真紅及作臙脂主產後血病爲勝其實亦同葉頗似藍故有藍名又名黃藍博物志云張騫所得也味辛溫無毒治女子中風血熱煩渴又治喉痺壅塞不通

京三稜




京三稜

京三稜河陝江淮間皆有之春生苗高三四尺似菱蒲葉皆三稜五六月開花似沙草黃紫色霜後採根削去皮鬚黃色微苦似小鯽魚狀體重者佳多生淺水傍或陂澤中其根初生成塊如附子大或有扁者傍生一根又成塊亦出苗其不出苗只生細根者謂之雞爪三稜又不生細根者謂之黑三稜大小不常其色黑去皮即白河中府又有石三稜根黃白色形如釵股葉綠色如蒲苗高及尺葉上亦有三稜四月開花白色如紅蓼花五月採根亦消積氣味苦平無毒治婦人惡血通月經治氣脹消撲損瘀血

黃

薑




薑黃

薑黃舊不載所出州郡今江廣蜀川多有之葉青綠長一
二尺許濶三四寸有斜文如紅蕉葉而小花紅白色至中
秋漸凋春來復生其花先生次方生葉不結實根盤屈黃
色類生薑而圓有節或云真者是經種三年以上老薑能
生花花在根際一如蕺荷根節堅硬氣味辛辣種薑處有
之八月採根片切暴乾味辛苦大寒無毒主心腹結積症
忤下氣破血除風熱消癰腫功力烈於鬱金

撥

萼



葦撥

葦撥出波斯國嶺南有之多生竹林內正月發苗作叢高三四尺其莖如筋葉青圓濶二三寸如桑面光而厚二月開花白色在表七月結子如小指大長二寸已來青黑色類椹子九月收採灰殺葉乾南人愛其辛香或取葉生茹之味辛大溫無毒主冷氣嘔逆心腹脹滿食不消寒疝核腫婦人內冷無子治腰腎冷除血氣

蒟

醬



蒟醬

蒟醬生巴蜀今夔川嶺南皆有之緣木而生其子如桑椹
熟時正青長二三寸以蜜藏而食之辛香溫調五藏一云
蔓生葉似王瓜而厚大實皮黑肉白其苗爲浮留藤卮葉
合檳榔食之辛而香也兩說大同小異味辛溫無毒主下
氣溫中破痰積

金

爵



鬱金

鬱金生蜀地及西戎胡人謂之馬迷廣南江西州郡亦有之然不及蜀中者佳四月初生苗似薑黃花白質紅未秋出莖心無實根黃赤取四畔子根去皮火乾之古方稀用今小兒方及馬醫多用之味辛苦寒無毒主血積下氣生肌止血破惡血血淋尿血金瘡

會

盧



盧會

盧會出波斯國今惟廣州有來者其木生山野中滴脂淚而成採之不拘時月俗呼爲象膽以其味苦而云耳盧會一名訥會一名奴會味苦寒無毒主熱風煩悶腎膈間熱氣明目鎮心小兒癩癩驚風療五疳殺三蟲及痔病瘡癩解巴豆毒

肉 豆 蔻



肉豆蔻

肉豆蔻出胡國今惟嶺南人家種之春生苗花實似豆蔻而圓小皮紫紫薄中肉辛辣六月七月採續傳之味辛溫無毒調中下氣止瀉痢開胃消食

補 骨 脂



補骨脂

補骨脂生廣南諸州及波斯國今嶺外山坂間多有之不
及蕃舶者佳莖高三四尺葉似薄荷花微紫色實如麻子
圓扁而黑九月採或云胡韭子也胡人呼若婆固脂別名
破故紙也味辛大溫無毒主五勞七傷風虛冷骨髓傷敗
腎冷精流及婦人血氣墮胎

香 陵 零



零陵香

零陵香生零陵山谷今湖嶺諸州皆有之多生下濕地葉如麻兩兩相對莖方氣如薜蘿常以七月中旬開花至香古所謂薰草是也又云其莖葉謂之薰其根謂之薰香三月採脫節者良以火焙乾令黃色乃佳江淮間亦有土生者作香亦可用但不及湖嶺者芬薰耳味甘平無毒明目療洩精却邪惡氣傷寒頭疼

蜜 沙 縮




縮沙蜜

縮沙蜜生南地今惟嶺南山澤間有之苗莖似高良薑高三四尺葉青長八九寸濶半寸已來三月四月開花在根下五六月成實五七十枚作一穗狀似益智皮紫厚而皺如栗文外有刺黃赤色皮間細子一團大滿可四十餘粒如黍米大微黑色七月八月採味辛溫無毒主虛勞冷瀉宿食不消赤白洩痢腹中虛痛下氣

莪

蓬



蓬莪

蓬莪生西戎及廣南諸州今江浙或有之三月生苗在田野中其莖如錢大高二三尺葉青白色長一二尺大五寸已來頗類蕤荷五月有花作穗黃色頭微紫根如生薑而茂在根下似雞鴨卵大小不常九月採削去麁皮蒸熟暴乾用此物極堅硬難搗治用時熱灰火中煨令透熟乘熟入臼中搗之即碎如粉味苦辛溫無毒治女子血氣心痛破瘰癧冷氣以酒醋摩服甚効

積 雪 草



積雪草

積雪草生荊州川谷今處處有之葉圓如錢大莖細而勁蔓延生溪澗之側荆楚人以葉如錢謂爲地錢草徐儀藥圖名連錢草八月九月採苗葉陰乾用一曰連錢草味苦寒無毒生成陽下濕地亦生臨淄濟陽郡池澤中甚香俗間或云圓葉似薄芎江東吳越丹陽郡極多彼人常充生菜食之河北柳城郡盡呼爲海蘇好近水生經冬不死咸洛二京亦有或名胡薄芎所在有之主大熱惡瘡癰疽浸淫赤皴皮膚赤身熱

白前



三才圖會卷之草木三

卅五

白前

白前舊不載所出州土陶隱居云出近道今蜀中及淮浙州郡皆有之苗似細辛而大色白易折亦有葉似榔或似芫花苗者並高尺許生州渚沙磧之上根白長於細辛亦似牛膝白微葷今用蔓生者味苦非真也二月八月採根暴乾用味甘微温無毒王宵脇逆氣咳嗽上氣

薺老



薺芩

薺芩舊不載所出州土今川蜀江浙皆有之春生苗莖都似人參而葉小異根似桔梗根但無心爲異潤州尤多人家收以爲菓菜或作脯浙味甚甘美二月八月採根暴乾用之味甘寒主解百藥毒治蛇蟲咬熱狂溫疾

藥

白



三才圖會卷之草木三


世七

白藥

白藥出原州今夔施江山嶺南亦有之三月生苗似苦苣
葉四月而赤莖長似葫蘆蔓六月開白花八月結子亦名
苳蔓九月採根以水洗切碎暴乾名白藥子江西出者葉
似烏柏子如菘豆至八月其子變成赤色味辛溫無毒主
金瘡生肌又治惡瘡疥癬風瘙

草

葎



葇草

葇草卽水紅也舊不著所出州郡云生水傍今所在下濕地皆有之似蓼而葉大赤白色高丈餘鄭詩云隰有游龍是也陸機云一名馬蓼本經云似馬蓼而大若然馬蓼自是一種也五月採實今亦稀用但取根莖作湯治脚氣耳味鹹微寒無毒又消渴去熱明目益氣

草

莎



莎草

莎草根又名香附子生田野處處有之或云交州者勝大如棗近道者如杏仁苗莖葉都似三稜根若附子周匝多毛近道生者葉苗如薤而瘦根如筋頭大二月八月採天寶單方圖載水香稜功狀與此頗相類但味差不同其方云水香稜味辛微寒無毒性澁元生博平郡池澤中苗名香稜根名莎結亦名草附子河南及淮南下濕地即有名水莎隴西謂之地蘘根蜀郡名續根草亦名水巴戟涪都

晁饒名三稜草又名滿一名侯莎

其實名緹味甘微寒無毒主陰育中熱克皮毛

茄 澄 蕈



華澄茄

華澄茄生佛誓國今廣州亦有之春夏生葉青滑可愛結實似梧桐子及蔓荆子微大八月九月採之味辛溫無毒治一切氣并霍亂瀉肚腹痛腎氣膀胱冷

胡 黃 連



胡黃連

胡黃連生胡國今南海及秦隴間亦有之初生似蘆乾似楊柳枯枝心黑外黃不拘時月收採一名割孤露澤味苦寒無毒治小兒盜汗潮熱往來補肝膽明目治冷熱洩痢

蘿

蒔



二十圖會味之草木三

四十二

蒔蘿

蒔蘿出佛誓國嶺南及近道皆有之二月四月生苗花實
大類蛇床而香辛六月七月採實一名慈謀勒味辛溫無
毒健脾胃開胃氣溫腸殺魚肉毒補水藏及壯筋骨治腎氣

香 松 茸

三才圖會卷之二十三

三




甘松香

甘松香出姑臧黔蜀州郡及遼州亦有之叢生山野葉細如茅草根極繁密八月採作湯浴令人體香味甘溫無毒主惡氣卒心腹痛滿

鳧 葵

三才圖會卷之草木三



鳧葵

鳧葵卽苦菜也處處池澤皆有之葉似蓴莖根甚長花黃色水中極繁盛按爾雅苦謂之接余其葉謂之符郭璞謂叢生水中葉圓在莖端長短隨水深淺江東人食之詩周南所謂參差荇菜是也陸機云白莖葉紫赤色正圓徑寸餘浮在水上根在水底大如釵股上青下白鬻其白莖以苦酒浸脆美可以按酒今人不食醫方亦鮮用味甘冷無毒主消渴去熱淋利小便

鱧

腸



鱧腸

鱧腸即蓮子草也生下濕地處處有之南方尤多此有二種一種葉似柳而光澤莖似馬齒莧高一二尺花細而白其實若小薄房蘇恭云苗似旋復者是也一種苗梗枯瘦頗似蓮花而黃色實亦作房而圓南人謂之蓮翹。二種摘其苗皆有汁出須臾而黑故多作烏髭髮藥用之俗謂之旱蓮子三月八月採陰乾亦謂之金稜草味甘酸無毒主血痢針灸瘡發洪血不可止者傳之立已汁塗髮眉生速而繁又作膏點鼻中添腦

香

茅



茅香

茅香生劔南道諸州今陝西河東京東州邵亦有之三月生苗似大麥五月開白花亦有黃花者或有結實者亦有無實者並正月二月採根五月採花八月採苗其莖葉黑褐色而花白者名曰茅香也味苦溫無毒主中惡溫胃止嘔吐療心腹冷痛

使君子



使君子

使君子生交廣等州嶺南州郡皆有之生山野中及水岸其葉青如兩指頭長二寸其莖作藤如干脂三月生花淡紅色久乃深紅有五瓣七八月結子如榭指長一寸許大類梔子而有五稜其殼青黑色內有仁白色七月採實味甘温無毒主心兒五疳小便白濁殺蟲療瀉痢